

## Послѣдование молебнаго пѣнія ко Господу Богу, певаемаго во время брани против супостатов, находящих на ны

Благословившу иерею, начинаем: Слава Тебе, Боже наш, слава Тебе. Царю Небесный: Трисвятое. По Отче наш: Иерей глаголет: Яко Твое есть Царство: Господи, помилуй, 12. Слава, и ныне: Приидите поклонимся: трижды.

Чтец же, псалом 142:

Господи, услыши молитву мою, внуши моление мое во истине Твоей, услыши мя в правде Твоей: и не вниди в суд с рабом Твоим, яко не оправдится пред Тобою всяк живый. Яко погна враг душу мою: смирил есть в землю живот мой: посадил мя есть в темных, яко мертвыя века. И уны во мне дух мой, во мне смятесе сердце мое. Помянух дни древния, поучихся во всех делех Твоих, в творениих руку Твоею поучахся. Воздох к Тебе рuce мой: душа моя яко земля безводная Тебе. Скоро услыши мя, Господи, исчезе дух мой: не отврати лица Твоего от мене, и уподоблюся низходящим в ров. Слышану сотвори мне заутра милость Твою, яко на Тя уповах: скажи мне, Господи, путь, вонже пойду, яко к Тебе взях душу мою. Изми мя от враг моих, Господи, к Тебе прибегах. Научи мя творити волю Твою, яко Ты еси Бог мой: дух Твой благий наставит мя на землю праву. Имене твоего ради, Господи, живиши мя правдою Твоею: изведеши от печали душу мою: и милостию Твоею потребиши враги моя и погубиши вся стужающия души моей: яко аз раб Твой есмь.

Слава, и ныне: Аллилуиа, трижды.

Посем, Бог Господь, и явился нам: со стихи, на глас 1.

Тропарь:

Спаси, Господи, люди Твоя, и благослови достояние Твое, победы на сопротивныя даруя, и Твое сохраняя крестом Твоим жительство.

Слава, и ныне, Богородичен:

Предстательство Христиан непостыдное, ходатайство ко Творцу непреложное, не презри грешных молений гласы: но предвари яко благая на помощь нас, верно зовущих Ти: ускори на молитву, и потщися на умоление, предстательствующи присно Богородице, чтущих Тя.

Песнь 1.

Ирмос: Колесницегонителя фараона погрузи, чудотвори иногда моисейский жезл, крестообразно поразив и разделив море: Израиля же беглеца пешеходца спасе, песнь Богу воспевающа.

Припев: Многомилостиве Господи, сокруши враги под ноги наша.

Грех ради наших и беззаконий попустил еси, правосуде, врагом нашим озлобити нас: но милосердия ради Твоего, Человеколюбче, отврати от нас праведный гнев Твой, и помилуй нас.

Якоже дрéвле на Амалі́ка побéду уго́днику Твоему́ Моисе́ю дарова́л еси́, ми́лостиве Бо́же: та́ко и ны́не мо́лим Тя, побéду на враги́ нам да́руй.

Сла́ва: Крестообра́зно просте́ртыма рука́ма Моисе́овыма Амалі́кову си́лу низложи́л еси́, Всеси́льне: и ны́не мо́лим Тя, пода́ждь нам си́лу на сокруше́ние и попрание́ возстаю́щих на ны́.

И ны́не: Си́лою неизрече́нною Твое́ю многоми́лостиве Христе́, за́щити́ лю́ди Твоя́ от вся́кия напа́сти, побéду да́руя на враги́ правосла́вному наро́ду на́шему, ра́ди Пречи́стыя Ма́тере и всех свята́х.

Пе́снь 3.

Ирмо́с: Небе́снаго кру́га Верхотво́рче, Го́споди, и Це́ркве зижди́телю, Ты мене́ утверди́ в любви́ Твое́й, желаний́ краю́, ве́рных утвержде́ние, Еди́не Человеколю́бче.

Неизрече́нным милосе́рдием Твои́м за́щити́, Христе́, лю́ди Твоя́, и низложи́ дерзость враго́в на́ших.

Якоже дрéвле пре́дал еси́, Бо́же, иноплеме́нников ве́рному рабу́ Твоему́ Иису́су Нави́ну: та́ко ны́не, Многоми́лостиве, преда́ждь сопроти́вныя по́лчища в ру́ки на́ши.

Сла́ва: Не преда́ждь нас Влады́ко, грех ра́ди на́ших и беззако́ний в ру́ки враго́в, но преложи́ пра́ведный гнев Твой на ми́лость, и пода́ждь утеше́ние рабо́м Твои́м.

И ны́не: Ма́ти Бо́жия, сохрани́ под кро́вом Твои́м Христолю́биво́е во́инство и Держа́ву Росси́йскую, и Свои́м предста́тельством у Сы́на Своего́, Христа́ Бо́га на́шего, испроси́ нам побéду на враги́ и супоста́ты на́ша.

Изба́ви от бед рабы́ Твоя́, Многоми́лостиве, я́ко мы усе́рдно к Тебе́ прибега́ем, ми́лостивому Изба́вителю, всех Влады́це, Го́споду Иису́су.

Ектениа́:

Помилу́й нас, Бо́же, по вели́цей ми́лости Твое́й, мо́лим Ти ся, услы́ши и помилу́й.

Лик: Го́споди, помилу́й, три́жды.

Еще́ мо́лимся о вели́ком Госпо́дине и отце́ на́шем Святе́йшем Патри́архе [и́мярек], и о Госпо́дине на́шем преосвяще́ннейшем митрополи́те [или́ архиеписко́пе или́ еписко́пе] [и́мярек] и всей во Христе́ бра́тии на́шей.

Лик: Го́споди, помилу́й, три́жды.

Еще́ мо́лимся о богохра́нимей стране́ на́шей, власте́х, и во́инстве ея́, да тихое́ и безмо́лвное жити́е поживе́м во вся́ком благоче́стии и чистоте́.

Лик: Го́споди, помилу́й, три́жды.

Не на лук наш упова́ем, ни ору́жие на́ше спасе́т нас, Го́споди, но Твоя́ всемо́гущия по́мощи проси́м, и на Твою́ си́лу дерза́юще, на враги́ на́ша ополча́емся, и и́мя Твое́ ве́рно призыва́ем: со умиле́нием мо́лим ти ся, всемо́гий Го́споди, ми́лостивно услы́ши и помилу́й.

Лик: Го́споди, помилу́й, три́жды.

Во веки пребывай, милосерде Господи, запрети языком, в достояние твое приходящим, и оскверняющим Церковь святую Твою, пожени их бурей Твоею, и гневом Твоим смуди их: исполни лица их безчестия, да постыдятся, и силою судеб Твоих гордость их да сокрушится, имя же Твое святое да прославится в нас, прилежно молим Ти ся, услыши и помилуй.

Лик: Господи, помилуй, трижды.

О еже непребориму и победительну всегда над враги быти правоверному воинству, и мир и славу утвердити в земли нашей, прилежно молим Ти ся, Господи, услыши и помилуй.

Лик: Господи, помилуй, трижды.

О еже услышати от Церкви Святыя Своея вопль и воздыхание единовѣрных наших, и от врагов и супостат порабощенных рабов Своих, в печали и скорби Своей к Тебе вопиющих, и извести от тли живот их, прилежно молим Ти ся Господи, услыши и помилуй.

Лик: Господи, помилуй, трижды.

Иерей: Яко милостив и человеколюбец Бог еси:

Седален:

Церковь вопиет Ти, Христе Боже: силою Креста Твоего укрепи верных рабов Твоих, и подаждь нам победы на сопротивныя.

Богородичен:

Богородице Дево, скорая миру Помощнице, Твоего предстательства и заступления просим: умоли милостиваго Сына Твоего и Бога, от належащих бед избавити ны.

Песнь 4.

Ирмос: Ты моя крепость, Господи, Ты моя и сила, Ты мой Бог, Ты мое радование, не оставль недра Отча, и нашу нищету посетив. Тем с пророком Аввакумом зову Ти: силе Твоей слава, Человеколюбче.

Владыко Боже, милосердием щадяй люди Твоя, напастми же и скорбьми обращаяй их паки к Себе, отврати гнев Твой, и преложи скорбь нашу на радость, победу на сопротивныя даруя.

Не вниди в суд с рабы твоими, Правосуде, зане никтоже постоит пред Тобою: но призирая милостивно на смирение наше, помилуй нас, и подаждь нам утешение.

Слава: Владыко Господи, рукою Твоею всесилою во глубине погрузивый фараона, Ты и ныне дерзость супостатов наших силою Креста Твоего низложи, презирая согрешения наша, яко Един благоутробен.

И ныне: Великое дерзновение имаши к рождшемуся из Тебе, яко никтоже ин: темже, Владычице, молися о рабах Твоих, избавитися нам от нашествия иноплемеников.

Песнь 5.

Ирмос: Вскую́ мя отрину́л еси́ от лица́ Твоего́, Свѣте незаходимый, и покрѣла мя е́сть чуждая́ тма́ окаяннаго? Но обрати́ мя, и к свѣту за́поведей Твоихъ пути́ моя́ направи, молю́ся.

Не помина́й, Влады́ко, безчи́сленныя собла́зны на́ша: но вско́ре преложи́в гнев Твой на милосе́рдие, низложи́ враги́ на́ша, и лю́ди Твоя́ сохрани́ ми́лостью Твоею́.

Призри, ми́лостиве, на лю́ди Твоя́, су́щия в ско́рбех, и пода́ждь нам свѣ́ше по́мощь Твою́ на одоле́ние враго́в на́ших.

Сла́ва: Укрепи́вый дрѣвле на го́рдаго Голиа́фа мы́щцу кро́ткаго Дави́да, и ны́не, Влады́ко, укрепи́ нас, побѣду́ да́я нам на супоста́ты.

И ны́не: Тя Еди́ну Пречи́стую Засту́пницу има́мы непобеди́мую, и на Тя упова́юще вопие́м Ти: изба́ви нас, Влады́чице, от всехъ бед и зол.

Пѣснь 6.

Ирмос: Очи́сти мя, Спа́се, мно́га бо беззаконія́ моя́, и из глубины́ зол возведи́, молю́ся: к Тебе́ бо возопи́х, услы́ши мя, Бо́же спасе́ния моего́.

Избавле́й, Влады́ко, в ско́рби су́щия лю́ди еврейския́, и Сампсону́ пода́вый крѣпость Твоею́ силою́: ты и ны́не, Ми́лостиве, изба́ви лю́ди Твоя́ от сопроти́вных, и побори́ борю́щия ны́.

Дивен еси́, Бо́же, твоєю́ всеси́льною десни́цею спаса́яй упова́ющия на тя: вся бо рука́ Твоя́ мо́жет. Те́мже и ны́не мо́лим Тя, изба́ви нас от враг на́ших.

Сла́ва: Оком Твоимъ всеви́дящим, ви́дя насле́дие Твое́, Бо́же, от сопроти́вных озлобляемо́, умилосе́рдися, Влады́ко, на лю́ди Твоя́, и низложи́ вра́жью дерзость.

И ны́не: Под Твое́ благоутро́бие прибега́ем, Богоро́дице Де́во, молѣния на́ша не прѣзри во обстоя́нии: но от бед изба́ви ны́, Еди́на Чи́стая и Благослове́нная.

Кондак, глас 4.

Вознесы́йся на Крест во́лею, тезоимени́тому Твоему́ но́вому жи́тельству щедроты́ твоя́ да́руй, Христе́ Бо́же: возвесели́ нас силою́ Твоею́, побѣды́ да́я нам на супоста́ты, посobié иму́щим Твое́ ору́жие ми́ра, непобеди́мую побѣду́.

Прокимен, глас 7.

Госпо́дь крѣпость лю́дем Свои́м даст, Госпо́дь благослови́т лю́ди Своя́ миромъ.

Стих: Принесите́ Госпо́деви, сы́нове Бо́жии, принесите́ Госпо́деви сы́ны овни́.

Посѣмъ Апосто́л ко евре́ем, [за́чало 329 от полу́, 330 и 331].

Бра́тие, не доста́нет бо ми повеству́юще вре́мене о Гедеоне́, Вара́це же и Сампсоне́ и Иеффа́и, о Дави́де же и Самуи́ле, и о (други́х) проро́цах, иже ве́рою победи́ша ца́рствія, соде́яша правду́, получи́ша обетова́ния, заградѣ́ша уста́ льво́в, угаси́ша силу́ о́гненную́, избе́гоша о́стрей меча́, возмо́гоша от немо́щи, бы́ша крѣпцы́ во бранѣ́х, обрати́ша в бѣгство́ полки́ чужди́х: прия́ша жены́ от воскресе́ния ме́ртвых свои́х: инии́ же изби́ени бы́ша, не прие́мше изба́вленія, да лу́чшее воскресе́ние улуча́т: друзи́и же руга́нием и ра́нами искуше́ние

прияша, ещё же и узами и темницею, камением побиени быша, претрени быша, искушени быша, убийством меча умроша, проидоша в милотех (и) в козиях кожах, лишени, скорбяще, озлоблени: ихже не бе достоин (весь) мир, в пустынях скитающесе и в горах и в вертепах и в пропастьех земных. И сии вси послушествовани бывше верою, неприяша обетования, Богу лучшее что о нас предзрешу, да не без нас совершенство приймут. Темже убо и мы, толик имуще облажаещ нас облак свидетелей, гордость всяку бремя всяко отложше и удобь обстоятельный грех, терпением да течем на подлежащий нам подвиг, взирающе на начальника веры и Совершителя Иисуса.

Иерей: Мир ти.

Чтец: И духови твоему.

Диакон: Премудрость, прости, услышим святого Евангелиа.

Иерей: Мир всем.

Лик: И духови твоему.

Иерей: От Матфеа святого Евангелиа чтение.

Лик: Слава Тебе, Господи, слава Тебе.

Диакон: Вонмем.

Иерей четет Евангелие от Матфеа, [зачало 20 от полу.]

Рече Господь: просите, и дастся вам: ищите, и обрящете: толцые, и отверзется вам: Всяк бо просый приемлет, и ищый обретает, и толкущему отверзется. Или кто есть от вас человек, егоже аще воспросит сын его хлеба, еда камень подаст ему? Или аще рыбы просит, еда змию подаст ему? Аще убо вы, лукави суще, умеете даяния блага даяти чадом вашим, кольми паче Отец ваш Небесный даст блага просящим у Него.

Лик: Слава Тебе, Господи, слава Тебе.

Слава, глас 6: Отче, Слове, и Душе, Троице Святая, очисти множества согрешений наших.

И ныне: Молитвами Богородицы, Милостиве, очисти множества согрешений наших.

Помилуй мя, Боже, по велицей милости Твоей и по множеству щедрот Твоих, очисти беззаконие мое.

Стихира, глас 4:

Пособивый, Господи, кроткому Давиду победити иноплеменика, и верным рабом Твоим способствуй оружием Креста низложити враги наша: покажи, Милосердие, на нас древняя Твоя милости, да разумеют воистинну, яко Ты еси Бог наш, и Тя призывающе побеждаем.

Иерей: Спаси, Боже, люди Твоя, и благослови достояние Твое:

Возглас: Милостию и щедротами:

Песнь 7:

Ирмос: Божия низхождения огнь устыдеса в Вавилоне иногда, сего ради отроцы в печи радованною ногою, яко во цветнице ликующе, пояху: благословен еси, Боже отец наших.

Престани от гнева, и призри милостивно на скорбь нашу, и не предаждь нас врагом нашим, отецв Боже.

Согрешихом, Господи, пред тобою: но вемы, яко несть грех побеждающъ милосердие Твое, и сего ради во умилении взываем к Тебе: помилуй нас, отецв Боже.

Слава: Вемы Господи, яко наказуеши нас, яко Отец сыны, да скорбьми обратиши ны к Тебе, темже в покаянии зовем Ти: остави нам долги наша, и избави нас от враг наших, отецв Боже.

И ныне: Подвигни, Владычице, Ангелы и Архангелы, лики же пророков, апостол и мученик, согласно умоли Сына Твоего и Бога, да избавит ны от всех вражеских наветов и находений.

Песнь 8.

Ирмос: Седмерицею пещь халдейский мучитель богочестивым неистовно разжже, силою же лучшею спасены сия виде, Творцу и Избавителю вопияше: отроцы благословите, священницы воспойте, людие превозносите во вся веки.

Кто изочтет, Христе, неизреченныя Твоя милости? Презираеши бо грехи кающихся, болезни же исцеляеши, и брани вся отвращаеши, и безумныя укрощаеши страсти? Темже молимся Тебе: человеколюбче Господи, обрати гнев Твой на милосердие к нам.

Разжени враги наша рукою Твоею, Господи, и защити нас люди Твоя: победу, якоже древле Давиду и Иисусу Навину на иноплеменики, подай ныне нам, на вся возстающия на ны супостаты.

Слава: Пророцы со апостолы, мученицы со святители, и преподобнии отцы со всеми святыми, молитву творите ко Христу за ны прилежно: да преложит гнев на милость, победу подай на сопротивныя враги.

И ныне: Богородице всепетая, Ты вся можеши у превечнаго Сына Твоего: моли убо Его, яко Милосердая Мати, избавити ны от всех зол, да Тя непрестанно величаем.

Песнь 9:

Ирмос: Ужасеся о сем небо, и земли удивися концы, яко Бог явися человеком плотски, и чрево твое бысть пространнейшее небес: тем Тя Богородицу, Ангелов и человек чиновачалия величают.

Удивися, Христе, щедроты Твоя, яже на согрешия Тебе показал еси исперва обильно: на няже уповающе, и мы грешнии припадаем Ти и молимся: и нам ныне яви благоутробие и щедроты Твоя, да Тя непрестанно величаем.

Призри милостивно, Господи, на смиренныя рабы Твоя ко Твоему благоутробию припадающия, и на Тя Единого все упование возлагающия, и подаждь нам силу и крепость на одоление всех врагов наших, да Тя, Всесильнаго Помощника, непрестанно величаем.

Слава: Яко очи рабов в руку господий своих: тако всегда очи наши к Тебе, многомилостиве Господи Боже наш: призри убо милостивно на ны, и низложи

си́лою Твое́ю горды́ню враго́в на́ших, и под но́зе нам тех покори́, да Тя непреста́нно велича́ем.

И ны́не: Ма́ти Бо́жия, принеси́ усердны́я моли́твы на́ши Сы́ну Твоему́ и Бо́гу на́шему, да спасе́т ны Тобо́ю от всех враго́в на́ших.

Досто́йно е́сть: Трисвято́е. По О́тче наш: Иере́й: Я́ко Твое́ е́сть Ца́рство:

Тропа́ри:

Поми́луй нас, Го́споди, поми́луй нас: вся́каго бо отве́та недоуме́юще, сию́ Ти моли́тву, я́ко Влады́це греше́нии прино́сим: поми́луй нас.

Сла́ва: Го́споди, поми́луй нас, на Тя бо упова́хом, не прогне́вайся на ны зело́, ниже́ помяни́ беззако́ний на́ших, но при́зри и ны́не я́ко благоутро́бен, и изба́ви ны от враг на́ших: Ты бо еси́ Бог наш, и мы лю́дие Твои́, вси дела́ руку́ Твое́ю, и и́мя Твое́ призыва́ем.

И ны́не: Милосе́рдия двéри отве́рзи нам, благослове́нная Богоро́дице, наде́ющися на Тя да не поги́бнем, но да изба́вимся Тобо́ю от бед: Ты бо еси́ спасе́ние ро́да Христиа́нскаго.

Ектениа́:

Поми́луй нас, Бо́же, по вели́цей ми́лости Твое́й, мо́лим Ти ся, услы́ши и поми́луй.

Лик: Го́споди, поми́луй, три́жды.

Еще́ мо́лимся, о́ еже сохра́нися Державе́ Росси́йской от гла́да, губи́тельства, тру́са, пото́па, огня́, мечá, нашествия́ иноплеме́нников и междоусо́бных бра́ни: о́ еже ми́лостиву́ и благоуве́тливу́ бы́ти благо́му и человеколю́биво́му Бо́гу на́шему, отврати́ти вся́кий гнев на ны дви́жимый, и изба́вити ны от належа́щаго и пра́веднаго Своего́ преще́ния, и поми́ловати ны.

Лик: Го́споди, поми́луй, три́жды.

Еще́ мо́лимся, и о́ еже услы́шати Го́споду Бо́гу глас мо́ления нас греше́ных, и поми́ловати нас.

Лик: Го́споди, поми́луй, три́жды.

Иере́й: услы́ши ны, Бо́же Спаси́телю наш, упова́ние всех конце́в земли́, и су́щих в мо́ри дале́че, и ми́лостив, ми́лостив бу́ди, Влады́ко, о гресе́х на́ших, и поми́луй ны: ми́лостив бо и человеколю́бец Бог еси́, и Тебе́ сла́ву возсыла́ем, Отцу́ и Сы́ну и Свято́му Ду́ху, ны́не и при́сно, и во ве́ки веко́в.

Лик: Ами́нь.

Диа́кон:

Вонмем, и во умиле́нии се́рдца колéна душ и теле́с на́ших прекло́ньше, Го́споду помо́лимся.

Иере́й четет моли́тву:

Го́споди Бо́же сил, Бо́же спасе́ния на́шего, Бо́же, творя́й чуде́са еди́н, при́зри в ми́лости и щедро́тах на смире́нныя рабы́ твоя́, и человеколю́бно услы́ши и поми́луй нас: се бо врази́ на́ши собра́шася на ны, во́ еже погуби́ти нас и разорити́ святы́ни на́ша. Ты же, вся ве́дый, ве́си, я́ко непра́ведно воста́ша на ны, и я́ко не возмо́жем мы противоста́ти мно́жеству их, а́ще не ты яви́ши

пóмощь нам. Тёмже грёшнии и недостóйнии в покая́нии со слеза́ми мо́лимся ти: помози́ нам, Бо́же спаси́телю наш, и изба́ви нас сла́вы ра́ди и́мене твоего́, да не когда́ реку́т врази́ на́ши: бог оста́вил ёсть их, и несть изба́вляяй и спаса́яй их: но да уве́дят вси язы́цы, я́ко ты бог наш и мы лю́ди твой, под держа́вою твоёю всегда́ храни́ми. Яви́ нам, Го́споди, ми́лость твою́ и да приложáтся к нам словеса́, речённая моисее́м к лю́дем Изра́ильским: дерза́йте, сто́йте, и у́зрите спасёние от Го́спода, Го́сподь бо побóрет по нас. Сотвори́ с на́ми зна́мение во блага́, я́ко да видят ненави́дящие нас и Правосла́вную ве́ру на́шу, и посра́мятся и смиря́тся. Ей, Го́споди Бо́же Спаси́телю наш, крепо́те и упова́ние и заступле́ние на́ше, не помяни́ беззакóний и неправд лю́дей Твои́х, и не отврати́ся от нас гнёвом Свои́м, но в ми́лости и щедро́тах Твои́х посети́ смире́нныя рабы́ Твоя́, ко Твоему́ благоутро́бию припада́ющия: возвесели́ сердца́ на́ша о ми́лости Твое́й, и укрепи́ нас си́лою Твоёю: востáни в пóмощь на́шу и разруши́ лука́выя сове́ты мы́слящих нам зла́я: суди́ обидя́щия и побори́ борю́щия ны, и обрати́ нечестиво́е дерзнове́ние их в страх и бёгство: правосла́вному же во́инству на́шему, на Тя упова́ющему, пода́ждь во мно́зем дерзнове́нии и мужестве́ погна́ти и пости́гнути их, и о и́мени Твоём победи́ти: а и́мже суди́л еси́, положи́ти на бра́ни ду́ши своя́ за ве́ру и Оте́чество, тем прости́ согреше́ния их, и в де́нь пра́веднаго возда́ния Твоего́ возда́й венцы́ нетле́ния. Ты бо еси́ заступле́ние и побе́да и спасёние упова́ющим на Тя, и Тебе́ сла́ву возсыла́ем, Отцу́ и Сы́ну и Свято́му Ду́ху, ны́не и при́сно, и во ве́ки веков.

Лик: Ами́нь.

Иере́й: Прему́дрость: Пресвята́я Богоро́дице, спаси́ нас.

Лик: Честне́йшую херувим:

Иере́й: Сла́ва тебе́, Христе́ Бо́же:

Лик: Сла́ва, и ны́не: Го́споди, помилуй, [три́жды]. Благослови́.

Иере́й: Отпу́ст.